




Broj: 02-04-32382-45/23
Sarajevo, 13.07.2023. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na 16. sjednici održanoj 13.07.2023. godine, donijela je

ZAKLJUČAK

1. Usvaja se Šesta informacija Ministarstva pravde i uprave Kantona Sarajevo o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije Ombudsmena za ljudska prava Bosne i Hercegovine.
2. Nalaže se resornim ministarstvima navedenim u Informaciji da započnu, odnosno nastave započete aktivnosti na provođenju odluka ustavnih sudova Bosne i Hercegovine i preporuka Institucije Ombudsmena za ljudska prava Bosne i Hercegovine, kao i da vrše nadzor nad provođenjem preporuka iz svoje oblasti (preporuke koje se odnose na javna preduzeća, javne ustanove, upravne organizacije i druge organe javnog sektora) u cilju konačne realizacije navedenih odluka ustavnih sudova i preporuka Institucije Ombudsmena za ljudska prava.
3. Obavezuju se sva ministarstva da jednom mjesečno, a najkasnije do 25. u mjesecu, obavještavaju Ministarstvo pravde i uprave o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine.
4. Zadužuje se Ministarstvo pravde i uprave da polugodišnje informiše Vladu Kantona Sarajevo o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine.
5. Zadužuje se Ministarstvo pravde i uprave Kantona Sarajevo da na zvaničnoj web stranici objavi Informaciju iz tačke 1. ovog zaključka, u cilju informisanja javnosti, vodeći računa o podacima u Informaciji koji se odnose na zaštitu ličnih podataka.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,

4. Ministarstvo pravde i uprave Kantona Sarajevo;
5. Ministarstva Kantona Sarajevo (11x),
6. Evidencija,
7. A r h i v a.





Broj: 03-04-02-12257-10/20
Sarajevo, 06.07.2023. godine

VLADA KANTONA SARAJEVO

PREDMET: Šesta informacija o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine, –

Ministarstvo pravde i uprave Kantona Sarajevo, shodno Zaključku Vlade Kantona Sarajevo, broj: 02-04-50535-48/22 od 22.12.2022. godine, pripremiло je Šestu informaciju o izvršenju Odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava Bosne i Hercegovine.

U navedenom Zaključku, Vlada Kantona Sarajevo je između ostalog obavezala sva ministarstva, da osim poduzimanja aktivnosti na provođenju postojećih odluka ustavnih sudova i preporuka Ombudsmena za ljudska prava, Ministarstvu pravde i uprave Kantona Sarajevo, jednom mjesečno, a nakasnije do 25. u mjesecu, dostave obavještenja o poduzetim aktivnostima na implementaciji odluka i preporuka.

I Od 22.12.2022. godine, kada je Vlada Kantona Sarajevo usvojila gore navedeni Zaključak, do izrade ove informacije (05.07.2023. godine), informaciju o zaprimljenim odlukama i preporukama i aktivnostima na provođenju istih, dostavili su:

1. Ministarstvo unutrašnjih poslova, svojim aktima:
broj:01-9-04-5401-24/20 od 20.01.2023. godine;
broj:01-9-04-5401-25/20 od 22.02.2023. godine;
broj:01-9-04-5401-26/20 od 23.03.2023. godine;
broj:01-9-04-5401-27/20 od 24.04.2023. godine;
broj:01-9-04-5401-28/20 od 22.05.2023. godine;
broj:01-9-04-5401-29/20 od 20.06.2023. godine;
2. Ministarstvo za boračka pitanja, svojim aktima:
broj:06-04-5873/22 od 30.12.2022. godine;
broj:06-04-5873/22 od 06.02.2023. godine;
broj:06-04-5873/22 od 09.03.2023. godine;
broj:06-04-5873/22 od 28.04.2023. godine;
broj:06-04-5873/22 od 08.05.2023. godine;
broj:06-04-5873/22 od 19.06.2023. godine;

Javna ustanova "Fond memorijala Kantona Sarajevo", svojim aktima:
broj:13-03-01-MD/1-45-16/22 od 30.12.2022. godine;
broj:13-03-01-MD/1-78/23 od 02.02.2023. godine;
broj:13-03-01-MD/1-78-2/23 od 07.03.2023. godine;
broj:13-03-01-MD/1-78-7/23 od 07.06.2023. godine;

3. Ministarstvo kulture i sporta, svojim aktom:
broj:12/02-04-50535-48/22 od 29.12.2022. godine;
4. Ministarstvo zdravstva, svojim aktom, broj:
broj:10-04-02-12257-5/20 od 12.01.2023. godine.

II U nastavku pregled prema dostavljenim informacijama od strane ministarstava:

1. Ministarstvo unutrašnjih poslova je u gore navedenim aktima informisalo Ministarstvo pravde i uprave, da u navedenom periodu za koji su dostavljali informaciju, Ministarstvo unutrašnjih poslova Kantona Sarajevo i Uprava policije nisu poduzimali aktivnosti na implementaciji odluka Ustavnog suda Bosne i Hercegovine, Federacije Bosne i Hercegovine i preporuka Institucije ombudsmena za ljudska prava Bosne i Hercegovine, iz razloga što nije bio niti jedan slučaj dostavljanja odluka na postupanje kao ni preporuka Ombudsmena.
2. Ministarstvo za boračka pitanja je u gore navedenim aktima informisalo Ministarstvo pravde i uprave da u navedenom periodu za koji su dostavljali informaciju nisu imali zaprimljenih odluka ustavnih sudova i preporuka Ombudsmena za ljudska prava, te s tim u vezi nisu imali obavezu implementacije istih. Također, Javna ustanova "Fond memorijala Kantona Sarajevo" je u aktima, broj i datum gore navedeni, navela da u ovom periodu nije bilo zaprimljenih odluka ustavnih sudova i preporuka Institucije ombudsmena za ljudska prava.
3. Ministarstvo kulture i sporta je u gore navedenom aktu, obavijestilo Ministarstvo pravde i uprave da u oblastima kulture i sporta nije bilo slučajeva donošenja odluka ustavnih sudova Bosne i Hercegovine i preporuka Institucije Ombudsmena za ljudska prava Bosne i Hercegovine.
4. Ministarstvo zdravstva je u gore navedenom aktu informisalo Ministarstvo pravde i uprave da nije imalo odluka ustavnih sudova u Bosni i Hercegovini i preporuka Institucije ombudsmena za ljudska prava koje je trebalo implementirati, te je dostavilo akt Javne ustanove Opća bolnica "Prim. dr. Abdulah Nakaš" i Apoteke Sarajevo, u kojima je također navedeno da nije bilo odluka ustavnih sudova i preporuka Ombudsmena koje je trebalo implementirati.

III Ministarstvo pravde i uprave od 2020. godine (kvartalno, zatim polugodišnje) informiše Vladu Kantona Sarajevo o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije ombudsmena za ljudska prava u Bosni i Hercegovini.

Navedenu informaciju, Ministarstvo pravde i uprave priprema shodno dostavljenim obavještenjima ministarstava o poduzetim aktivnostima na implementaciji odluka ustavnih sudova i Ombudsmena za ljudska prava u Bosni i Hercegovini, koja su ministarstva dužna dostaviti shodno zaključcima Vlade Kantona Sarajevo kojim se usvajaju informacije, do 25. u mjesecu.

Ovo ministarstvo je u više navrata pisalo i urgencije prema ministarstvima zbog neblagovremeno dostavljenih obavještenja ili obavještenja koja ne sadržavaju informaciju o implementaciji ranije dostavljenih odluka i preporuka, te navodimo kratak osvrt na odluke i preporuke koje su bile obuhvaćene prethodnim informacijama, a u cilju kontinuiranog praćenja njihove implementacije:



1. Presuda U-7/19

Presudom U-7/19 od 19.01.2021. godine Ustavni sud Federacije Bosne i Hercegovine utvrdio je da je Kanton Sarajevo neprovođenjem odredbi člana 84. stav (8) Zakona o uređenju saobraćaja na području Kantona Sarajevo ("Službene novine Kantona Sarajevo", broj 30/17) i člana 35. stav (6) Uredbe o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo", broj 52/18) povrijedio pravo opština Centar Sarajevo i Stari Grad Sarajevo na participaciju u raspodjeli sredstava prikupljenih po osnovu naplate parkiranja na javnim parkinzima i u javnim garažama, u zavisnosti od ukupnog broja parking mjesta na području tih opština. Sud nalaže Kantonu Sarajevo, da u roku od 60 (šezdeset) dana od dana objave ove presude u "Službenim novinama Federacije BiH", otkloni posljedice tog nečinjenja i u cijelosti provede navedene propise.

Napomena:

U Drugoj informaciji o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije Ombudsmena za ljudska prava Bosne i Hercegovine (maj 2021. godine), Ministarstvo pravde i uprave je shodno obavještenju koje je dostavilo Ministarstvo saobraćaja navelo da Ministarstvo saobraćaja priprema tekst Sporazuma o raspodjeli naknade i konkretnoj strukturi ulaganja sredstava prikupljenih od naplate javnih parkinga, u skladu sa navedenom Presudom, a koji će biti dostavljen Općinama Centar i Stari Grad na usaglašavanje. U Trećoj informaciji o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije Ombudsmena za ljudska prava Bosne i Hercegovine (decembar 2021. godine) navedeno je da je Općina Stari Grad Sarajevo u svom izjašnjenju navela da je Sporazum neprihvatljiv, da je isti potrebno izmijeniti tako da Općina dijeli dobit iz ukupne mase prihoda, dalje smatra nerentabilnim vršenje kontrole i naplate parkinga od strane KJKP "Rad" d.o.o. Sarajevo, te je predložila da se Općini ustupe javni parkinzi na upravljanje. Općina Centar Sarajevo je također izrazila nezadovoljstvo dostavljenim Sporazumom, te je predložila da Kanton Sarajevo izvrši usklađivanje propisa shodno članu 58. stav (2) Zakona o principima lokalne samouprave (prenos poslova i nadležnosti na općine).

Za Četvrtu informaciju (juni 2022. godine) Ministarstvo saobraćaja je obavijestilo Ministarstvo pravde i uprave da Sporazum još uvijek nije potpisan.

Ministarstvo saobraćaja nije dostavljalo obavještenja o navedenoj presudi za Petu i Šestu informaciju.

2. Presuda U-37/19

Ustavni sud Federacije Bosne i Hercegovine, na sjednici održanoj 28.10.2020. godine donio je Presudu, broj: U-37/19, kojom se utvrđuje da Tarifni broj 1. stav 1. Zakona o komunalnim taksama - Prečišćeni tekst ("Službene novine Kantona Sarajevo", br. 14/06, 34/07, 2/08, 31/12, 36/12 i 28/18) nije u skladu sa Ustavom Federacije Bosne i Hercegovine, kao i član 5. Tarifni broj 1. Odluke o visini komunalnih taksa ("Službene novine Kantona Sarajevo", br. 1/13, 2/14, 6/18 i 2/19).

Napomena:

Ministarstvo finansija Kantona Sarajevo je u Obavijesti, broj: 08-01-02-12257/21 od 27.04.2021. godine (za Drugu informaciju), koju je dostavilo Ministarstvu pravde i uprave Kantona Sarajevo,



navelo da su pokrenute aktivnosti na izradi novog Zakona o komunalnim taksama, te za naredne informacije nije obavještavalo Ministarstvo pravde i uprave o navedenim aktivnostima.

Napominjemo da je Skupština Kantona Sarajevo je na 48. Radnoj sjednici održanoj 22.02.2022. godine donijela Zakon o komunalnim taksama ("Službene novine Kantona Sarajevo", broj 8/22).

3. U presudama Ustavnog suda Federacije Bosne i Hercegovine:

U – 14/09, Rješenje o neizvršenju 24.05.2011. godine,

U – 18/09, Rješenje o neizvršenju 22.02.2011. godine,

U – 21/09, Rješenje o neizvršenju 06.03.2012. godine,

U – 21/09 Dopunska presuda,

U – 32/10, Rješenje o neizvršenju 24.05.2011. godine,

utvrđena je povreda prava na lokalnu samoupravu jedinica lokalne samouprave od strane Kantona Sarajevo, u odnosu na različite propise.

Implementacija navedenih presuda zavisi od donošenja Zakona o lokalnoj samoupravi shodno Zakonu o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br. 49/06 i 51/09).

4. Preporuka P-43/22

Napomena:

U Četvrtoj informaciji o izvršenju Odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije Ombudsmena za ljudska prava Bosne i Hercegovine, navedena je preporuka Ombudsmena za ljudska prava, broj:P-43/22 od 10.02.2022. godine, a u vezi sa žalbama (anonimna i gđa Nasiha Šahat Musić), a koja se odnosi na razmatranje mogućnosti izmjene Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, a kako bi rješenja sadržana u istoj vodila objektivnijem vrednovanju svih kandidata prilikom zapošljavanja. Ministarstvo za boračka pitanja je u navedenom roku dostavilo izjašnjenje Instituciji Ombudsmena za ljudska prava u kojem je navedeno da će se pristupiti izmjeni Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21), nakon što se usvoji tekst novog Zakona o dopunskim pravima boraca-branitelja koji je trenutno u Nacrtu.

Napominjemo da je Skupština Kantona Sarajevo, na 54. Radnoj sjednici održanoj 27.07.2022. godine donijela Zakon o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), te da Ministarstvo za boračka pitanja nije navelo u informacijama koje su dostavili da su se poduzimale aktivnosti shodno izjašnjenju.

S poštovanjem,

Dostaviti:

1. Naslovu;

2. a/a.

